

玉茗堂摘評王弼州先生
豐去異編

豔異編目錄

卷五

戚里部

同昌公主外傳

綠珠傳

元載

幽期部

卓文君

賈午

鶯鶯傳

李紳鶯鶯本傳歌

杜舍人次會真三十韻

卷六

幽期部

王性之傳奇辨證

元微之古豔詩詞

春詞

鶯鶯詩

離詩

春曉詞

古決絕詩

雜憶

贈雙文

夢遊春詞

鶯鶯傳跋

非烟傳

鄭吳情詩

玉茗堂摘評王介洲先生豔異編卷五

戚里部

同昌公主外傳

通篇只叙
周一片宮
貴使令俗
人眼熟

咸通九年同昌公主出降宅于廣化里錫錢五百萬貫仍罄內庫寶貨以實其宅而房櫳戶牖無不以象寶飾之更以金銀爲井闌藥臼食櫃水槽鐙釜盃盤之屬仍縷金爲笊籬箕筐製水精火齊琉璃玳瑁等牀悉支以金龜銀塹更琢五色玉爲器什合百寶爲圓案更賜金麥銀粟共數斛此皆太宗朝條支國所

獻也。堂中設連珠之帳，續真珠以成也。却寒簾，類玳瑁斑，有紫色。云却寒之鳥骨所爲也。則未知出在何國。更有鸛鵒枕，翡翠匣，神絲繡被，其枕以七寶合爲鸛鵒匣，爲翡翠毛羽，神絲繡被三千鴛鴦，仍間以奇花異葉，則精巧瑰麗，可得而知矣。其上綴以靈粟之珠，如粟粒，五色輝煥，更帶蠲忿犀如意，玉其犀圓如彈丸，入土不朽爛，帶之令人蠲忿怒。如意玉類桃實，上有七孔，云通明之象。更有琴瑟幕紋布巾，火蚕綿，九玉釵，其幕色如琴瑟，闊三丈，長一百尺，輕明虛薄。

無以爲比、向空張之、則疎朗之紋、如碧絲之貫其珠、雖大雨暴降、不能濕漏云、以蛟人瑞香膏所傳故也、紋布卽手巾也、潔白如雪、光軟拭水不濡、用之彌年、亦未嘗生垢膩、二物稱得卮谷國、火蠶綿云出火洲、絮衣一襲、用之一兩、稍過度、則煖蒸之氣不可近云、九玉釵、上刻九鸞皆九色、其上有字曰玉兒、工巧妙麗、殆非人製、有得於金陵者、因以獻、公主酬之甚厚、一日晝寢、夢絳衣奴致語云、南齊潘淑妃取九鸞釵、及覺、具以夢中之言言於左右、公主薨、其釵亦亡其

處韋氏異其事遂以實話於門人或曰玉兒卽潘妃
小字逮諸珍異不可具載漢至唐公主出降之盛未
之有也公主乘七寶步輦四面綴五色玉香囊囊中
貯辟邪香瑞麝香金鳳香此皆異國獻也仍雜以龍
腦金屑則鏤水精馬腦辟塵犀爲龍鳳花其上仍絡
真珠玳瑁更以金絲爲流蘇雕輕玉爲浮動每一出
遊則所過芬香街巷晶照看者眩惑其目是時某中
貴人買酒於廣化旗亭忽相謂曰坐來香氣何太異
也同席曰豈非龍腦耶曰非也余勿給事於嬪妃宮

故嘗聳此、未知今日自何而致、因顧問當慮者、云公
主步輦夫以錦衣換酒於此、中貴人共請視之、益歎
其異、上每賜御饌湯藥、則道路之使相屬、其饌有消
靈炙紅虬脯、其酒則有凝露漿桂花醞、其茶則綠花
紫莢之號、消靈炙一羊之肉取之四兩、雖經暑毒終
不臭敗、紅虬脯非虬也、但呼於盤中、虬健如紅絲、高
一丈、以筯抑之、無三數分、撒卽復其故、迨諸品味、人
莫能識、而公主家人饜飫如里中糠粃、一日大會羣
氏之族於廣化里、玉饌俱陳、暑氣將甚、公主命取澄

水帛以蘸之掛于南軒。蒲座則皆思挾纈澄水帛長八九尺似布輕細明薄可鑑云其中有龍涎故能消暑也。韋氏諸宗好爲菓子戲。夜則公主以紅琉璃盤盛夜光珠令僧和捧立堂中而光明如晝焉。公主始有疾召術士來實爲燈法乃以香蠟燭遺之來氏之鄰人覺香氣異常或請門詰其故實則具以事對其燭方二寸其上被五彩文卷而燃之竟夕不盡郁烈之氣可聞於百步餘燭出其上卽成樓閣臺殿之狀或云燭中有蜃脂也公主疾旣甚醫者欲難藥餌奏

云得紅蜜白猿膏食之可愈上令訪內庫得紅蜜數石本兜離國所貢白猿膏數瓮本南海所獻也雖日加餌終無其驗公主薨上哀痛甚遂自製挽歌詞令百官繼和及庭祭日百司與內官皆用金玉飾車輿服玩以焚於韋氏庭韋家爭取灰以擇金珰及葬於東郊上與淑妃御延興門出內庫金玉駝馬鳳凰麒麟各高數尺以爲儀其衣服玩具與人無異一物以上皆至一百二十昇刻木爲樓殿龍鳳花木人畜之象者不可勝計以絳羅裙繡絡金銀瑟瑟爲帳幕者

千隊結爲幢節傘蓋、彌街翳日、旌旗昇佩、鹵簿率多
加等、以賜紫尼及女道士爲侍從、引翼則焚昇霄靈
芝香而擊歸天紫金之碧磬、繁華輝煥、殆餘二十里、
上賜酒一斗、斛餅啗三十駱駝、各徑闊二尺、飼役夫
也、京城士庶罷業來觀者流汗相屬、惟恐居後、及靈
鹵過延興門上、與淑妃慟哭、中外聞者無不傷痛、同
日葬乳母上、更作祭乳母文、詞質而意切、人多傳寫、
是後上日夕惴心掛意、李可及歎追百年曲聲、辭怨
切聽之、莫不淚下、更教數千人作歎百年隊、取內庫

珍寶雕成手飾，画八百匹官綾，作魚龍波浪紋，以爲地衣而舞。一舞珠翠滿地，可及官歷大將軍賞賜盈萬。又上賜可及銀麒麟高數尺，可及取官庫車載歸私第。左軍容使西門季玄曰：「今日受賜，使用官車，它日破家亦須輦還內府，不道受賞徒勞牛足。」後果流可及於嶺表，舊賜珍玩悉皆進納。君子謂季玄有先見。

綠珠傳

綠珠者，姓梁，白州博白縣人也。綠珠生雙角山，不歲

而黠越俗以珠爲上寶。生女爲珠娘。生男爲珠兒。綠珠之字由此而稱。晉石崇爲交趾採訪使。以真珠三斛致之。崇有別廬在河南金谷澗。澗中有金水。自太白源來。崇卽川阜製園館。綠珠能吹笛。又善舞。明君。明君者卽昭君也。崇以此曲教之。而自製新歌曰。我本名家女。將適單于庭。辭別未及終。前驅已抗旌。僕御涕流離。猿馬悲且鳴。哀鬱傷五內。涕泣沾珠纓。行日已遠。遂造匈奴城。延我於穹廬。加我關氏名。殊類非所安。雖貴非所榮。父子見凌辱。對之慙且驚。殺

四語如雀
鳴九章

戲要上當
不當貴

身長不易。默默以苟生。苟生亦何聊。積思常憤盈。願
假飛鳥翼。棄之以遐征。飛鴻不我顧。佇立以屏營。昔
爲匣中玉。今爲糞土塵。朝華不足歡。甘與秋草屏。傳
語後世人。遠嫁難爲情。崇又製懊惱曲以贈綠珠。崇
之婢美艷者千餘人。擇數十人粧飾一等。使忽視之。
不相分別。刻玉爲蛟龍珮。紫金爲鳳凰釵。結袖繞腰。
而舞。欲有所召者。不呼姓名。唯聽珮聲。視釵色。珮聲
輕者居前。釵色豔者居後。以爲行次而進。趙王倫臥
常。賊類孫秀使人求綠珠。崇方登涼觀。臨清水。婦人

侍側使者以告崇出侍婢數百人以示之皆蘊蘭麝而披羅縠曰在所擇使者曰君侯服御麗則麗矣然命指索綠珠不知孰是崇勃然曰吾所愛不可得也秀因譖倫族之收兵忽至崇謂綠珠曰我今爲爾獲罪綠珠泣曰願效死於君前崇止之遽墜樓而死崇棄東市時人名其樓曰綠珠樓在步廣里近狄泉在王城之東綠珠有弟子宋諱有國色善吹笛後入晉明帝宮中今白州有一派水自雙角山出谷容州江呼爲綠珠江亦猶歸州有昭君灘吳有西施谷脂粉

山靈水秀
信然信然

婿

塘蓋取美人出處爲名。又有綠珠井在雙角山下。耆
老傳云。汲此井者。誕女必多美麗。閭里有識者。以美
色無益於時。因以巨石鎮之。迨後雖有產女端妍者。
而七竅四肢多不完具。異哉。山水之使然。昭君村生
女。皆灸破其面。故白居易詩曰。不效往者戒。恐貽來
者寃。至今村女面。燒灼成癍痕。又與不完具者同焉。
牛僧孺周秦行記云。夜宿薄太后廟。見戚夫人王嬙。
太真妃。潘淑妃。各賦詩言志。別有善笛女子。短髮衫
具。帶貌甚美。與潘氏偕來。太后以接坐。居之。令吹簫。

往還亦及酒太后顧而謂曰識此否石家綠珠也潘
妃養作妹太后曰綠珠豈能無詩乎綠珠相謝作曰
此日人非昔日人笛聲空怨趙王倫紅殘鈿碎花樓
下金谷千年更不春太后曰牛秀才遠來今日誰人
與伴綠珠曰石衛尉性嚴忌今有死不可及亂然事
雖詭怪聊以解順噫石崇之殺雖有綠珠殆亦其來
有漸矣崇嘗刺荊州劫奪遠使沉殺商客以致巨富
又遣王愷鳩鳥共爲鳩毒之事有此陰謀加以每邀
燕集令美人行酒客飲不盡者使黃門斬美人王丞

新法雖
而終不飲
王更不飲
而終
生有輕手
易已他日
止于泰山
者此之謂
耶

相與大將軍嘗共訪崇丞相素不能飲輒自免強至
于沉醉至大將軍故不飲以觀其氣色已斬三人君
子曰禍福無門惟人所召崇心不義舉動殺人烏得
無報也非綠珠無以速石崇之誅非石崇無以顯綠
珠之名綠珠之墜樓侍兒之有貞節者也比之於古
則有田六出六出者王進賢侍兒也進賢晉愍太子
妃洛陽亂石勒掠進賢渡孟津欲妻之進賢罵曰我
皇太子婦司徒公女胡羌小子敢干我乎言畢投河
六出曰大既有之小亦宜然復投河中又有窮娘者

武周時喬知之寵婢也盛有姿色特善歌舞知之教
讀書善屬文深所愛幸時武承嗣驕貴內宴酒酣迫
知之將金玉賂窈娘知之不勝便使人就家強載以
歸知之怨悔作綠珠篇以敘其怨詞曰石家金谷重
新聲明珠十斛買娉婷此日可憐無得比此時可愛
得人情君家閨閣未曾難嘗持歌舞使人看富貴雄
豪非分理驕矜勢力橫相干辭君去君終不忍徒勞
掩面傷紅粉百年離別在高樓一旦紅顏爲君盡知
之私爲承嗣家閨奴傳詩於窈娘得詩悲泣投井而

死承嗣令汲於井、衣中得詩、鞭殺閹奴、諷吏羅織、知之以至殺焉。悲夫、二子以愛姬示人、投喪身之禍、所謂倒持太阿、授人以柄。易曰、慢藏誨盜、冶容誨淫。其此之謂乎。其後詩人題歌舞伎者、皆以綠珠爲名。庾肩吾曰、蘭堂上客至、綺席清絃撫、自作明君辭、還爲綠珠舞。李元忠云、絳樹搖歌扇、金谷舞筵開。羅袖拂歸客、留歡醉玉杯。江惣云、綠珠銜淚舞、孫秀強相邀。綠珠之沒、已數百年矣、詩人尚詠之不已、其故何哉。蓋一婢子不知書、而能感主恩、憤不顧身、其志凜冽。

誠足使後人仰慕歌咏也。至有享厚祿盜高位亡仁義之行懷反覆之情慕四朝三唯利是視節操反不若一婦人豈不媿哉。今爲此傳非徒實美麗室禍源且欲懲戒辜恩背義之類也。李倫死後十日趙倫敗左衛將軍趙泉斬孫秀于中書軍士趙駿割秀心食之。倫囚金墉城賜金屑酒。倫慙以巾覆面曰孫秀誤我也。飲金屑而卒。皆夷家族。南陽生曰此乃假天之報怨不然何梟夷之立見乎。

元載末年、造芸輝堂于私第、芸輝香草也、出于閬國、其香潔白如玉、入土不朽爛、春之爲屑、以塗壁、故號芸輝焉、而更構沉香爲梁棟、飾金銀爲戶牖、內設懸黎屏風、紫綃帳、其屏風本楊國忠之寶也、屏上刻前代美女妓樂之形、外以玳瑁水犀爲押絡、絡以眞珠琴瑟、其爲精妙、殆非人工所及、紫綃帳得於南溪洞中之酋帥、則絞綃之類也、輕疎而薄、如無所碍、雖屬凝冬、而風不能入、盛夏則清涼自至、其色隱隱焉、忽不知其帳也、謂載臥內有紫氣、而服玩之奢、僭擬于

帝王之家芸輝之前有池、悉以白石砌其岸、中有殘陽花、亦類白蘋、其花紅大如牡丹、不知自何而來也、更有碧芙蓉、香潔、齒苞偉於常者、載因暇日凭闌、以觀、忽聞歌聲清響、若十四五女子唱焉、其曲則玉樹後庭花也、載驚惡、既甚、遂剖其花、更無所見、則秘之不令人知、載有龍髯、紫拂、色如爛椹、可長三尺、削水晶爲柄、刻紅玉爲環鈕、或風雨晦暝、臨流沾濕、則光彩搖動、奮然如怒、置之於堂中、夜則蚊蚋不敢入、拂之爲聲、雞犬無不驚逸者、垂之池潭、則鱗介之屬悉

俯伏而至引水于空中、則成瀑布、燒燕肉熏之、則焠
焠焉、若生雲霧、厥後上知其異、屢言之、載不得已而
遂進焉、載云、得于洞庭道士張知和、載龍姬薛瑤英、
攻詩書、善歌舞、仙姿玉質、肌香體輕、雖旋波搖光、飛
燕綠珠、不能過也、瑤英之母趙娟、亦本岐王之愛寵、
後出爲薛氏妻、生瑤英、而幼以香啗之、故肌香也、及
載納爲姬、處金絲之帳、却塵之褥、其褥出自勾驪國、
一云是却塵之獸毛所爲也、其色鮮妍、柔軟比衣、
龍綃之衣、一衣無一二兩、搏之不盈一握、載以瑤英

體輕不勝重衣故於異國以求是服也唯賈至楊炎
公南與載友善故往往得見歌舞至因贈詩曰舞怯
銖衣重笑疑桃臉開方知漢武帝虛築避風臺公南
亦作長歌褒其美畧曰雪面澹娥天上女鳳簫響翅
欲飛去玉釵碧翠步無塵楚腰如柳不勝春瑤英善
爲巧媚載惑之怠於庶務而瑤英之父曰宗本兄曰
從義與趙媚迥相出入以構賄賂號爲關節與中書
主吏卓倩等爲腹心而宗本輩以事告者載未嘗不
領之天下賫寶貨求大官職無不恃載權勢指薛卓

爲梯媒及載死瑤英自爲里人妻矣論者以元載喪
令德而崇貪名自一婦人而致也

幽期部

卓文君

司馬相如初與卓文君還成都貧居愁憊以所著鷄
鵠裘就市人陽昌貰酒與文君爲懽旣而文君抱頸
而泣曰我平生富足今乃以衣裘貰酒遂相與謀於
成都賣酒相如親著犢鼻禪絛器以耻王孫王孫舉
以爲病乃厚給文君文君遂爲富人文君妓好眉意

如望遠山、臉際常若芙蓉、肌膚柔滑如脂、十七而寡、
爲人放誕風流、故悅長卿之才、而越禮焉、長卿素有
消渴疾、及還成都、悅文君之色、遂以發痼疾、乃作美
人賦、欲以自刺、而終不能改、卒以此疾至死、文君爲
諫、傳於世、

又

相如將聘茂陵人女爲妾、卓文君作白頭吟以自絕、
相如乃止、

賈午

賈午，太尉充少女，父韓壽，子德真，南陽堵陽人。魏司徒暨曾孫，美資貌，善容止。賈充辟爲司空掾。充每宴賓寮，其女輒於青瑣中窺之，見壽而悅焉。問其左右識此人否，有一婢說壽姓字，云是故主人女。大感想發於寤寐，婢往至壽家，具說女意，并言其女光麗黠逸，端美絕倫。壽聞心動，便令爲通殷勤。婢以白女，女遂潛修音好，厚相贈結。呼壽夕入，壽勁捷過人，踰垣而至家中，莫知。惟充覺其女悅暢異于常日。時西域有貢奇香，一着人則經月不歇，帝甚貴之，惟以賜親

其女密盜以遺壽充。察屬與壽燕處，聞其芬馥，稱之於充。自是充意知女與壽通，而其門閤嚴峻，不知所由得入。乃夜中陽驚有盜，因使循墻以觀其變。左右白曰：「無餘異，惟東北角如狐狸行處。」充乃拷問女之左右，具以實對。充秘之，遂以女妻壽。壽官至散騎常侍、河南尹。

鸞鸞傳

唐貞元中有張生者，性溫茂，美風容，內秉堅孤，非禮不可入。或朋從游宴，綴雜其間，他人皆洶洶拳拳若

將不及張生容順而已終不能亂以是年二十三才
嘗近女色知音詰之謝而言曰登徒子非好色者是
有淫行余真好色者而適不我值何以言之大凡物
之尤者未嘗不留連於心是知其非忘情者也詰者
識之亡幾何張生游於蒲蒲之東十餘里有僧舍曰
普救寺張生寓焉適有崔氏孀婦將歸長安路出於
蒲亦止茲寺崔氏婦鄭女也張出於鄭緒其親乃異
派之從母是歲渾瑊薨於蒲有中入丁文雅不善於
軍軍人因喪而擾大掠蒲人崔氏之家財產甚厚遂

奴僕旅寓惶駭，不知所托。先是張與蒲將之黨有善，請吏護之，遂不及於難。十餘日，廉使杜確將天子命以統戎節，令於軍。軍由是戢。鄭厚張之德甚，因飾饌以命張。中堂宴之，復謂曰：「姨之孤嫠未亡，提攜幼稚，不幸屬師徒大潰，實不保其身。弱子幼女猶君之生也，豈可比常恩哉？今俾以仁兄禮奉見，冀所以報恩也。」命其子曰歡，即可十餘歲，容甚溫美。次命女出拜。爾兄、爾兄活爾，久之辭疾。鄭怒曰：「張兄保爾之命，不然爾且虜矣，能復遠嫌乎？」久之乃至，常服悴容，不加

新飾垂鬟黛接雙臉斷紅而已顏色艷異光輝動人
張驚爲之禮因坐鄭旁以鄭之抑而見也凝睇怨絕
若不勝其體問其年紀鄭曰今天子甲子歲之七月
終今貞元庚辰生十七年矣張生稍以詞導之不計
終序而罷張自是惑之願致其情無由得也崔之婢
曰紅娘生私爲之禮者數四乘間遂道其衷婢果爲
沮潰然而奔張生悔之翌日婢復至張生乃羞而謝
之不復云所求矣婢因謂張曰郎之言所不敢言亦
不敢泄然而崔之族姻君所詳也何不因其德而求

娶焉張曰子始自孩提性不苟合或時統綺開居曾
莫流盼不爲當年終有所蔽昨日一席間幾不自持
數日來行忘止食忘飽恐不能逾旦夕若因媒氏而
娶納采問名則三數月間索我於枯魚之肆矣爾其
謂我何婢曰崔之貞順自保雖所尊不可以非語犯
之下人之謀固難入矣然而善屬文選選沉吟章句
怨慕者久之君試爲喻情詩以亂之不然則無由也
張大喜立綴春詞二首以投之是夕紅娘復至持綵
箋以授張曰崔所命也題其篇曰明月三五夜其詞

此不得不知

日待月西廂下迎風戶半開拂牆花影動疑是玉人
來張亦微喻其旨是夕歲二月旬有四日矣崔之東
有杏花一樹板援可踰既望之夕張因梯其樹而踰
焉達于西廂則戶半開矣紅娘寢於床上因驚之紅
娘駭曰郎何以至張因給之曰崔氏之賤召我矣爾
爲我告之亡幾紅娘復來連曰至矣至矣張生喜
且駭必謂獲濟及女至則端服嚴容大數張曰兄
恩活我之家厚矣是以慈母以弱子幼女見託奈何
因不令之婢致慚逸之詞始以護人之亂爲義而終

掠亂以求之。是以亂易亂。其去幾何。誠欲寢其詞。則保人之姦不義。明之於母。則背人之惠不祥。將寄於婢僕。又懼不得發其真誠。是用託短章。願自陳啟。猶懼兄之見難。是用鄙靡之詞。以求其必至。非禮之動。能不愧心。特願以禮自持。毋及於亂。言畢翻然而逝。張自失者久之。復踰而出。於是絕望數夕。張君臨軒獨寢。忽有人覺之。驚歛而起。則紅娘歛衾攜枕而至。撫張曰。至矣。至矣。睡何爲哉。設枕與衾而去。張生拭目危坐久之。猶疑夢寐。然而修謹以俟。俄而紅娘捧

崔氏而至、至則嬌羞融冶、力不能運支體、曩時端莊、不復同矣、是夕旬有八日矣、斜月晶熒、幽輝半床、張生飄飄然、且疑神仙之徒、不謂從人間至矣、有頃寺鐘鳴、天將曉、紅娘促去、崔氏嬌啼宛轉、紅娘又捧之而去、終夕無一言、張生辨色而興、自疑曰、豈其夢邪、及明、覩粧在臂、香在衣、淚光熒熒、然猶瑩於齒、席而巳、是後十餘日、杳不復至、張生賦會真詩三十韻、未畢、而紅娘適至、因授之以貽、崔氏自是復容之、朝隱而出、暮隱而入、同會於曩所謂西廂者、幾一月矣、張

生常詰鄭氏之情，則曰：「知不可柰何矣。」因欲就成之。亡何，張生將之長安，先以詩諭之。崔氏宛無難詞，然而愁怨之容動人矣。將行之夕，再不復可見。而張生遂西，不數月復游於蒲，舍於崔氏者又累月。崔氏甚工刀札，善屬文，求索再三，終不可見。往往張生自以文挑之，不甚觀覽。大畧崔之出人者，勢必窮極，而貌若不知言，則敏辨而寡於酬對。待張之意甚厚，然未嘗以詞繼之。時愁艷幽邃，恒若不識，喜愠之容亦罕形見。異時獨夜操琴，愁弄悽惻，張竊聽之，求之則終

不復就矣。以是愈惑之。張生俄以文調及期。又當西
去。當去之夕。不復自言其情。愁歎於崔氏之側。崔已
陰知將訣矣。恭貌怡聲。徐謂張曰。始亂之終弃之。固
其宜矣。愚不敢恨。必也君亂之。君終之。君之惠也。則
沒身之誓。其有終矣。又何必深感於此行。然而君既
不懌。無以奉寧。君常謂我善鼓琴。向時羞顏所不能
及。今且往矣。既君此誠。因命拂琴。鼓霓裳羽衣。序不
數聲。哀音怨亂。不復知其是曲也。左右皆歔歔。崔亦
遽止之。投琴泣下。流漣趨歸鄭所。遂不復至。明旦而

張行明年文戰不勝、遂止於京、因貽書於崔以廣其
意、崔氏緘報之詞、粗載於此云、捧覽來問、撫愛過深、
兒女之情、悲喜交集、兼惠花勝一合、口脂五寸、致羅
首膏肓之飾、雖荷殊恩、誰復爲容、睹物增懷、但積悲
歎、便伏承使於京中、就業進修之道、固在便安、但恨
僻陋之人、永以遐棄、命也如此、知復何言、自去秋以
來、嘗忽忽如有所失、於誼諱之下、或勉爲語笑、開宵
自處、無不淚零、乃至夢寐之間、亦多敘感、咽離憂之
思、綢繆纏綿、暫若尋常、幽會未終、驚魂已斷、雖半、余

如暖而思之甚遙。一昨拜辭。俟逾舊歲。長安行樂之地。觸緒牽情。何幸不忘幽微。眷念亡歎。鄙薄之志。無以奉酬。至于終始之盟。則固不在鄙昔。中表相因。或同宴處。婢僕見誘。遂致私誠。兒女之心。不能自固。君子有援柔之挑。鄙人無投梭之拒。及薦寢席。義盛意深。愚細之情。永謂終託。豈期既見君子。而不能定情。致有自獻之羞。不復明待巾幘。沒身永恨。含歎何言。倘仁人用心。俯遂幽劣。雖歿之日。猶生之年。如或達士畧情。捨小從大。以先配爲醜行。謂要盟之可欺。則

常骨化形銷丹誠不沒因風委露猶託清塵存沒之
誠言盡于此臨紙嗚咽情不能申千萬珍重珍重千
萬玉環一枚是兒嬰年所弄寄充君子下體所佩玉
取其堅潤不渝環取其終始不絕兼亂絲一絢文竹
茶碾子一枚此數物不足見珍意者欲君子如玉之
貞秘志如環不解淚痕在竹愁緒縈絲因物達誠永
以爲好耳心邇身遐拜會無期幽憤所鍾千里神合
千萬珍重春風多厲彊飯爲佳慎言自保無以鄙爲
深念張生發其書於所知由是時人多聞之所善楊

巨源好屬詞。因爲賦崔娘詩一絕云。清潤潘郎玉不
如。中庭蕙草雪消初。風流才子多春思。腸斷蕭娘一
紙書。河南元稹亦續生會真詩三十韵。曰。微月透簾
櫳。螢光度碧空。遙天初縹緲。低樹漸蔥蘢。龍吹過庭
竹。鶯歌拂井桐。羅銷垂薄露。環珮響輕風。絳節隨金
母。雲心捧玉童。更深人悄悄。晨會雨濛濛。珠瑩光文
履。花明隱繡籠。瑤釵行彩鳳。羅幙掩丹虹。言自瑤華
浦。將朝碧玉宮。因游里城北。偶向宋家東。戲調初微
拒。柔情已暗通。低環蟬影動。迴步玉塵蒙。轉面流花

雪。登床抱綺叢。鴛鴦交頸舞。翡翠合歡籠。眉黛羞偏
聚。唇朱暖更融。氣清蘭蕊馥。膚潤玉肌豐。無力慵移
履。多嬌愛歛躬。汗光珠點點。髮亂綠蔥蔥。方共千年
會。俄聞五夜窮。留連時有限。縷縷意難終。慢臉含愁
態。芳詞誓素衷。贈環明運合。留結表心同。啼粉流清
鏡。殘燈遶闇蟲。華光猶冉冉。旭日漸瞳瞳。乘鶯還歸
洛。吹簫亦止嵩。衣香猶染麝。枕膩尚殘紅。暮暮臨塘
艸。飄飄思渚蓬。素琴鳴鶴怨。清漢望歸鴻。海澗誠難
度。天高不易冲。行雲無處所。蕭史在樓中。張之友聞

至此水
凍輝

之者莫不聳異之、然而張亦志絕矣、稹特與張厚、因
徵其詞、張曰、大凡天之所命尤物也、不妖其身、必妖
於人、使崔氏子遇合富貴、乘寵嬌、不爲雲爲雨、則爲
蛟爲螭、吾不知其所變化矣、昔殷之辛、周之幽、據百
萬之國、其勢甚厚、然而一女子敗之、潰其衆、屠其身、
至今爲天下僂笑、余之德不足以勝妖孽、是用忍情、
於時坐者皆爲深歎、後歲餘、崔已委身於人、張亦有
所娶、後乃因其夫言於崔、求以外兄見、夫語之、而崔
終不爲出、張怨念之、誠動於顏色、崔知之、潛賦一章

曰、自從別後減容光、茁轉千迴懶下床、不爲有人羞、
不起爲郎憔悴却羞郎、竟不之見、後數日張生將行、
又賦一章以謝絕之、并置今何道、當時且自親、還將
舊來意、憐取眼前人、自是絕不復知矣、時人多許張
爲善補過者矣、予常於朋會之中、往往及此、意者使
夫知者、不爲爲之者、不惑、貞元歲九月執事李公垂
宿于予靖安里第、語及於是、公垂卓然稱異、遂爲鶯
鶯歌以傳之、崔氏小名鶯鶯、公垂以命篇、

李紳相公鶯鶯本傳歌

伯勞飛遲燕飛疾。垂楊綻金花笑日。綠窗嬌女字鶯鶯。金雀姬鬟年十七。昔姑上天阿母在。寂寞霜姿素蓮質。門掩重關蕭寺中。芳艸花時不曾出。

杜舍人收之次會真詩三十韻

鸚鵡出深籠。麒麟步遠空。拂墻花颭颭。透戶月朧朧。暗度飛龍竹。潛挨宿鳳桐。松篁搖夜影。錦繡動春風。遠信傳青島。私期避玉童。柳烟輕漠漠。花氣淡濛濛。小小釵簪鳳。盤盤髻綰龍。無言歌寶枕。赧面背銀缸。姑射臨仙闕。嫦娥降月宮。精神絕趙北。顏色冠蒲東。

密約千金直。靈犀一點通。修眉蛾綠掃。媚臉粉香蒙。
燕隱凝香壘。蜂藏芍藥叢。留燈垂繡幕。印月軟簾櫳。
弱艸花枝顫。嬌顏汗顆融。笳抽纖玉軟。蓮襯朶頰豐。
笑吐丁香舌。輕搖楊柳躬。未斟前恨足。肯放此情鬆。
幽會愁難再。通宵意未窮。錦衾溫未煖。玉漏滴將終。
密語重言約。深盟各訴衷。樹交連理並。帶結合歡同。
烟篆銷金獸。燈花落玉蟲。殘星光閃閃。曙色影瞳瞳。
別淚傾江海。行雲蔽華嵩。花鈿留寶曆。羅帕記新紅。
有夢思春草。無因繫斷蓬。傷心別怨鶴。作目送歸鴻。

厚德難酬報高天可徑冲寸誠言不已封在錦笈中

玉茗堂摘評王弼洲先生豔異編卷六

幽期部

王性之傳奇辨證

嘗讀蘇內翰贈子野詩云詩人老去營營在注言所謂張生乃張籍也僕按微之所作傳奇營營事在貞元十六年春又言明年生文戰不利乃在十七年而唐登科記張籍以貞元十五年商郢下登科既先二年決非張籍明矣每觀斯文撫卷歎息未知張生果爲何人意其非微之一等人不可當也會清源莊季

裕爲僕言友人楊阜公嘗讀微之所作姨母鄭氏墓志云其旣喪夫遭軍亂微之爲保護其家備至則所謂傳奇者盡微之自敘特假他姓以避就耳僕退而考微之長慶集不見所謂鄭氏志文豈僕家所收未完或別有他本然細味微之所敘及考於他書則與季裕之所說皆合蓋昔人事有悖於義者多托之鬼神夢寐或假之他人或云見別書後世猶可考也微之心不自抑旣出之翰墨姑易其姓氏耳不然爲人敘事安能委曲詳盡如此按樂天作微之墓志以太

和五年歲年五十三則當以大曆十四年己未生至
貞元十六年庚辰正二十二歲又韓退之作微之妻
韋叢誌文作壻韋氏時微之始以選爲校書郎正傳
奇所謂後歲餘生亦有所娶者也又微之作陸氏姊
誌云予外祖父授睦州刺史鄭濟白樂天作微之母
鄭夫人誌亦言鄭濟女而唐崔氏譜永寧尉鵬亦娶
鄭濟女則鶯鶯者乃崔鵬之女於微之爲中表正傳
奇所謂鄭氏爲異派之從母者也非特此而已僕家
有微之作元氏古艷詩百餘篇中有春詞二首其闕

皆隱鶯字及自有鶯鶯詩、離思詩、雜憶詩、與傳奇、所載猶一家說也。又有古決絕詞、夢游春詞、前敘所遇復言捨之以義及敘娶韋氏之年、與此無少異者。其詩多言雙文意、謂二鶯字爲雙文也、并書於後、使覽者可考焉。又意古豔詩、多微之專因鶯鶯而作無疑。又微之百韻詩寄樂天云、山岫當階翠、牆花拂面枝、鶯聲愛嬌小、燕翼翫逶迤。注昔于賦詩云、爲見牆頭拂面花、時惟樂天知此事。又云、幼年與蒲中詩人楊巨源友善、日課詩、凡是數端、有一於此、可驗決爲微

古人云識
然後知不
足古加有
識得盡的

之無疑況於如是之衆邪缺更以張生者豈元與
張受姓名氏本同所自出邪僕喜討論考合同異每
聞一事隱而未見及可見而不同如瓦礫之在懷必
欲討閱歸於一說而後已嘗謂讀千載之書探千載
之迹必須盡見當時事理如身履其間絲分縷解終
始備盡乃可以置議論若畧執一言一事未見其餘
則事之相戾者多矣又謂前世之事無不可考者特
學者觀書少而未見爾微之所遇合雖涉於流宕自
放不中禮義然名輩流風餘韵照映後世亦人間可

喜事而士之臻此者特鮮矣。雖巧爲避就，然意微而顯見於微之。其他文辭者彰著又如此，故反復抑揚張而明之，以信其說。他時見所謂姨母鄭氏誌文，當詳載於後云。

元微之古豔詩詞

春詞二首

春來頻到宋家東，垂袖開懷待好風。
鶯藏柳暗無人語，惟有牆花滿樹紅。

其二

深院無人州樹光嬌鶯不語趁陰藏等閒弄水浮花
片流出門前賺阮郎

鶯鶯詩一首

殷紅淺碧舊衣裳取次梳頭雅淡妝夜合帶烟籠曉
日牡丹輕雨泣殘陽依稀似笑還非笑彷彿聞香不
是香頻動橫波嬌不語等閒教見小兒郎

離思五首

自愛殘妝曉鏡中銀釵鈿篸綠絲叢須臾目射燕脂
頰一朶紅酥旋欲融

其二

山泉散漫遶階流、萬樹桃花映小樓、
閒讀道書慵未起、水晶簾下看梳頭、

其三

紅羅著壓逐時新、杏子花紗嫩麴塵、
第一莫嫌才地薄、此些絀綬最宜人、

其四

曾經滄海難爲水、除却巫山不是雲、
取次花叢嬌嬈遍、願、半緣修道半緣君、

其五

尋常百種花齊發，偏摘梨花與白人。今日江頭兩三樹，可憐枝葉度殘春。

春曉詞一首

半欲天明半未明，醉聞花氣睡聞鶯。蛙兒撼起鐘聲動，二十年前曉寺情。

古決絕詞三首

乍可爲天上，牽牛織女星。不願爲庭前，紅槿枝。七月七日一相見，故心終不移。那能朝開暮飛去，一任東

西南北吹、分不兩相守、恨不兩相思、對面且如此、背
面當何知、春風撩亂、亂伯勞語、此時拋去時、握子苦相
問、竟不言後期、君情既決絕、妾意亦參差、借如死生、
別安得常苦悲、

其二

噫春冰之將泮、何余懷之獨結、有美一人、於焉曠絕、
一日不見、止一日於三年、況三年之曠、永別水得風、
今小而已、波筍在苞、今高不見、節矧桃李之當春、競
衆人之攀折、我自顧悠悠而若雲、又安能保君皓皓

之如雪感破鏡之分明。覩淚痕之餘血。幸他人之既。不我先。又安能使他人之終不我奪已焉哉。繡女嫁黃姑。一年一度暫相見。彼此隔河何事無。

其三

夜夜相抱眠。幽懷尚沉結。那堪一年事。長道一宵說。但感久相思。何暇暫相悅。虹橋薄夜成。龍駕侵晨列。生憎野鶴性。遲回死恨天。雞識時節。曙色漸曠曉。華星次明滅。一去又一年。丁年何時徹。有此迢遞期。不知死生別。天公既是妬相憐。何不使教相決絕。

雜憶五首

今年寒食無月光，夜色繞侵已上床。
憶得雙文通內裏，玉龍深處暗聞香。

其二

花籠微月竹籠烟，百尺絲繩拂地懸。
憶得雙文人靜後，潛教桃葉送秋千。

其三

寒輕夜淺繞迴廊，不辨花叢暗辨香。
憶得雙文籠月下，小樓前後捉迷藏。

其四

山櫺似火葉相兼、亞拂低牆半拂簷、憶得雙文獨披
掩、滿頭花艸倚新簾、

其五

春冰消盡碧波湖、漾影殘霞似有無、憶得雙文衫子
薄、鈿頭雲暎褪紅酥、

贈雙文一首

艷極翻含態、憐多轉自嬌、有時還自笑、閑坐更無聊、
曉月行看墮、春酥旋欲消、何因肯垂手、不敢望回腰、

夢遊春詞一首

昔歲夢遊春。夢遊何所遇。夢入深洞中。果遂平生趣。
清泠淺漫溪。画舫蘭篙渡。過盡萬株桃。盤旋竹林路。
長廊抱小樓。門牖相回互。樓下雜花叢。叢邊繞鶯鶯。
池光漾彩霞。曉日初明煦。未敢上階行。頻移曲池步。
烏龍不作聲。碧玉曾相慕。漸到簾幕間。徘徊意猶懼。
閒窺東西閣。奇玩參差布。格子碧油糊。駝駒紫金鍍。
逡巡日漸高。影響人將寤。鸚鵡飢亂鳴。嬌娃睡猶怒。
簾開侍兒起。見我遙相諭。鋪設綉紅茵。施張鉤救具。

潛窣翡翠帷。瞥見珊瑚樹。不見花貌久。空驚香若霧。
回身夜合偏。歛態晨霞聚。睡臉桃破風。汗妝蓮委露。
叢梳百葉髻。金盛重臺履。紕軟殿頭裙。玲瓏合歡袴。
鮮妍脂粉薄。暗淡衣裳故。敢似紅牡丹。雨來春欲暮。
夢魂良易驚。霧境難久寓。夜夜望天河。無由重滄泚。
結念心所期。返如禪頓悟。覺來八九年。不向花回顧。
雜沓兩京春。喧闐衆禽護。我到看花時。但作懷仙句。
浮生轉經歷。道性尤堅固。近作夢仙詩。亦知勞肺腑。
一夢何足云。良時自昏娶。當年二紀初。佳節三星度。

鶯鶯傳跋

予向在武林日於一友人處見陳居中所畫唐崔麗人圖其上有題云並燕鶯爲字聯徽氏姓崔非姻宜采圃秀玉勝江梅薄命千年恨芳心一寸灰西廂舊紅樹曾與月徘徊予丁卯春三月卸命陝右道出於蒲東普救之僧舍所謂西廂者有唐麗人崔氏女遺照在焉因命画師陳居中繪模真像意非登徒子之用心迨將勉情鍾終始之戒仍拾四十言使好事者

和百勞之歌以記云泰和丁卯林鍾吉日十洲種玉
大誌宜之題延祐庚申春二月余傳命至東平顧市
竊雙鷹圖觀久之弗見主人而歸夜宿府治西軒夢
一麗人綃裳玉質逡巡而前曰君玩雙鷹圖雖佳非
君几席間物妾流落久矣有雙鷹名冠古今願託君
爲重覺而怪之未卜其何祥遲明欲行忽主人攜鷹
圖來且四軸余意麗人雙鷹符此數耳繼出一小軸
乃夢所見有詩四十字跋語九十八識曰泰和丁卯
出蒲東普救僧舍繪唐崔氏鶯鶯真十洲種玉大誌

宜之題畫詩書皆絕神品也。余驚詫良久。時有司羣
官吏環視。因縮不自託。以跋語佳。勝蹟之。吁。物理相
感。果何如也。豈法書名畫自有靈耶。抑各不朽者。隨
神耶。遇合有定數耶。余嘗謂關雎碩人。姿德兼備。君
子之配也。琴心雪句。才豔聯芳。文士之偶也。自詩書
道廢。丈夫弗學。況女流乎。故近世非無秀色。往往脂
粉腥穢。鴉鵲莫辨。求其彷彿待月章之萬一絕代無
聞焉。此亦慨世降之一端也。因歸于我。義弗辭已。宜
之者。蓋前金趙愚軒之字。曾爲華西簿。遺山謂太和

有詩名、五言平淡、它人未易造信然、泰和丁卯、迄今
百十四年云、其月二日壁水見士思容題右共五百
九字、雖不知壁水見士爲何人、然二君之風韻可
想見矣、因仰嘉禾繪工盛懋臨寫一軸、適舅氏趙公
待制雖見而愛之、就爲錄文于上、按唐元微之值奇
營營事、以爲張生寓蒲之普救寺、適有崔氏孀婦、亦
止茲寺、崔氏婦鄭氏也、生出於鄭、視鄭則異派之從
母、因丁文雅軍擾掠蒲人、鄭惶駭不知所措、生與將
之靈善、請吏護之、不及於難、鄭厚生德、謂曰、姨之弱

子幼女當以仁兄之禮奉承命鶯鶯出拜顏色豔異
光輝動人生問其年紀鄭曰十七歲矣生自是惓惓
私禮鶯鶯之侍婢紅娘間道其意既而詩章往復遂
醉所願中間離合多故然不能終諧伉儷說者以爲
生卽張子野宋王性之著傳奇辯正按微之作姨母
鄭氏墓誌云其旣喪夫遭軍亂微之爲保護其家又
作陸氏誌云余外祖陸州刺史鄭濟白樂天作微之
母鄭氏誌亦言鄭濟女而唐崔氏譜永寧尉鵬娶鄭
濟女則鶯鶯乃崔鵬之女於微之爲中表也傳奇言

生年二十二、樂天作微之墓志、以大和五年薨、年五十三、卽當以大曆十四年己未生、至貞元庚辰、正二十二歲、凡此數端、決爲微之無疑、特託他姓、以避耳、事具侯鯖錄中、

非烟傳

臨淮武公業、咸通中任河南府功曹參軍、愛妾曰非烟、姓步氏、容止纖麗、若不勝綺羅、善秦聲、好文筆、尤工擊毬、其韵與絲竹合、公業甚嬖之、其比鄰天水趙氏第也、亦衣纓之族、不能斥言其子、曰象端、秀有文、

纔弱冠矣、時方居喪禮、忽一日於南垣隙中、窺見非烟、神氣俱喪、廢食息焉、乃厚賂公業之閹、以情告之、閹有難色、復爲厚利所動、乃令其妻伺非烟閒處、具以象意言焉、非烟聞之、但含笑凝睇而不答、門媼盡以語象、象發狂心、蕩不知所如、乃取薛濤箋題絕句曰、一覩傾城貌、塵心只自猜、不隨蕭史去、擬學阿蘭來、以所題密緘之、祈門媼達、非烟烟讀畢、吁嗟良久、謂媼曰、我亦曾窺見趙郎、大好才貌、此生薄福、不得嘗之、益鄙武生、穠悍非良配耳、乃復請篇寫於金鳳

牋曰綠慘雙蛾不自持。只緣幽恨在新詩。郎心應似
琴心怨。脈脈春情更語誰。封付門媼。令遣象象啟絨
吟。諷數四。拊掌喜曰。吾事諸矣。又以剡溪玉葉賦賦
詩以謝曰。珍重佳人贈好音。彩箋芳翰兩情深。薄於
蟬翼難供恨。密似蠅頭未寫心。疑是落花迷碧洞。只
思輕雨洒幽襟。百迴消息千迴夢。裁作長謠寄綠琴。
詩去旬日。門媼不復來。象憂慙恐事泄。或非烟追悔。
春夕於前庭獨坐。賦詩曰。綠暗紅藏起暝烟。獨將幽
恨小庭前。重重良夜與誰語。星隔銀河月半天。明日

晨起吟際而門媼來傳非烟語曰勿訝旬日無信蓋
以微有不安因授象以連蟬錦香囊并若苦殘詩曰
無力嚴妝倚綉櫺暗題蟬錦思雖竊近來贏得傷春
病柳弱花欹怯曉風象結錦囊於懷細讀小簡又恐
烟幽思增疾乃剪烏絲簡爲迴緘曰春日遲遲人心
悄悄自因窺靚長役夢魂雖羽駕塵襟難於會合而
丹誠皎日誓以周旋況又聞乘春多感芳履遠和耗
冰雪之妍姿鬱蔥蘭之佳氣憂抑之極恨不翾飛企
望寬情無至憔悴莫孤短韵寧爽後期愴悅寸心書

豈能盡兼持。非什仰繼華篇。詩曰。見說傷情爲見春。
想封蟬錦綠蛾。頻叩頭與報烟卿道。第一風流最損
人。門媼旣得迴報。徑齋詣烟閣中。武生爲府掾。屬公
務繁夥。或數夜一直。或竟日不歸。是時適值生入府。
曹烟拆書。得以款曲尋繹。旣而長太息曰。丈夫之志。
女子之心情。契覓交視。遠如近也。於是闔戶垂幌。爲
書曰。下妾不幸。垂髫而孤。中間爲媒妁所欺。遂配合
於瑣類。每至清風朗月。移玉桂以增懷。秋帳冬缸。泛
金徽而寄恨。豈期公子。忽貽好音。發華絨而思飛。諷

麗句而日斷所恨洛川波隔賈午塙高聯雲不及於
秦臺薦夢尚遙於楚岫猶望天從素懇神假微機一
拜清光九殞無恨兼題短什用寄幽懷詩曰画簷春
燕須同宿蘭浦雙鴛肯獨飛長恨桃源諸女伴等閒
花裏送郎歸封訖召門媼令達於象象覽書及詩以
烟意稍切喜不自持但靜室焚香虔禱以俟忽一日
將夕門媼促步而笑至且拜曰趙郎願見神仙否象
驚連問之傳烟語曰今夜功曹府直可謂良時妾家
後庭郎君之前垣也不渝惠好專望來儀方寸萬重

悉俟晤語。既曉，黑象乃躋梯而登。烟已令重榻於下。既下，見烟靚粧盛服，立於花下，拜訖，俱以喜極不能言。乃相携自後門入中堂，背缸解幌，盡繾綣之意焉。及曉鐘初動，復送象於垣下。烟執象泣曰：「今日相遇，乃前生姻緣耳。勿謂妾無玉潔松貞之志，放蕩如斯，直以郎之風調，不能自顧。願深鑒之。」象曰：「揖希世之貌，見出人之心，已誓幽庸，永奉歡狎。言訖，象踰垣而歸。明日託門媼贈烟詩曰：『十洞三清雖路阻，有心還得傍瑤臺。瑞香風引思深夜，知是慈宮仙馭來。』」烟覽

詩微笑復贈象詩曰相思只怕不相識相見還愁却
別君願得化爲松上鶴一雙飛去入行雲封付門媼
仍令語象曰賴妾有小小篇詠不然君作幾許大才
面日茲不盈旬常得一期于後庭稍展微密之思罄
宿昔之心以爲魚鳥不知人神相助或景物寓目譌
詩寄情不能悉載如是者周歲亡何烟數以細過撻
其女奴奴陰銜之乘間盡以告公業公業曰汝慎言
我當自察之後至直日乃僞陳狀請假迫如常入直
遂潛于里門街鼓旣作匍伏而歸循牆至後庭見烟

方倚戶微吟，象則據垣斜睨。公業不勝其忿，挺前欲擒象，覺跳去。業搏之，得其半襦，乃入室呼烟，詰之。烟色動聲戰，而不以實告。公業愈怒，縛之大柱，鞭楚血流。但云生得相親，死亦何恨。深夜公業怠而假寐，烟呼其所愛女僕曰：「與我一杯水。」水至，飲盡而絕。公業起，將復笞之，已死矣。乃解縛，舉致閣中，連呼之，聲言烟蒸疾致殞。後數日葬于北邙，而里巷間皆知其強死矣。象因變服易名，遠竄江浙間。洛陽才子有崔李二生，常與武掾游處。崔賦詩末句云：「恰似傳花人飲。」

散空牀拋下最繁枝其夕夢烟謝曰妾貌雖不追桃李而零落過之捧君佳叶愧仰無已李生詩末句云豔鬼香魂如有在還應羞見墜樓人其夕夢烟戟手而言曰士有百行君得全乎何至矜片言苦相詆斥當屈君于地下而證之數日李生卒時人異焉

鄭吳情詩

城之西有吳氏女生長儒家才色俱麗琴棋詩書靡不究通大夫士類稱之其父早世治命宜以爲儒家室女自負不凡余今年客于洪府一日媒姬來言女

家久擇壻難其人、洪仲明公子、戲欲與余求之、余辭云已娶不期、媒媼欲求余詩詞達于女氏、余戲賦木蘭花慢一闋、翌日女和前詞、附媒媼至、乃曰、吳氏之族、見此詞喜稱文士之美、但母氏謂官人已娶而不可、然女獨憐余之才、賡唱迭和、復令乳母來觀、且述女意、又欲雖居二室、亦不辭也、囑余托相知之、示者求啟母意歸余、然余在城之日淺、相知者少、謾囑意山長吳槐坡者、往說其母、終亦不從、有周氏懼余之成事、挾財以媚母氏、母乃決於從周、遂納其定禮、女

號泣曰父臨終命歸儒士周子不學無術但能琵琶耳我誓不從周氏因佯狂擲冠于地母怒毆之發憤成疾病且篤母乃大悔懼逆其意卽以定禮付媒媼以歸於周然女病愈無起色因以書遺余曰妾之病實爲郎也若此生不救抱恨于地下料郎之情豈能忘乎臨終又泣謂其青衣名梅蕊者曰我愛鄭郎生也爲鄭死也爲鄭我死之後汝可以鄭郎詩詞書翰密藏棺中以成我意未幾果卒嗚呼文君之於相如自昔所難而況夫婦之間多才相配世之尤難者乎

夫以女之才如是而憐余之才又如是。齊眉之相好。唱和百年。豈非天下之至樂者乎。而況其家本豐殖。有貲財者哉。乃厄母命之不從。發憤成疾。抱恨而死。嗟夫。紅顏勝人多。薄命亘古如斯。而況才色之兼全者乎。警綵雲之易失。痛黃壤之相遺。亦徒重余之臨風相悵。快耳恨何言也。抑余非悅於色也。愛其才。非徒愛其才也。感其心也。今具錄往來詞翰于後。覽者亦必助余之悵愴也。延祐戊午永嘉鄭僖天趣序。

丁巳歲二月二十六日。予寄木蘭花慢云。倚平生豪

氣切星斗渺雲烟。記楚水湘山。吳雲越月。頻入詩篇。
菱花劍光零落幾番。沉醉樂風前。閒種仙人瑤草。故
家五色雲邊。夫容金闕正需賢。詔下九重天。念滿腹
琅玕盈襟。書傳人正韶年。蟾宮近傳芳信。姮娥嬌豔
待詩仙。領取天香第一。從橫禮樂三千。翌日女氏和
云。愛風流儒雅看筆下。掃雲烟。正困倚書窗。慵拈針
線。蠟詠詩篇。紅葉未知誰繫。漫躊躇無語。小闌前燕
子。知人有意。雙雙飛向花邊。殷勤一笑問英賢。夫乃
婦之天。恐薛媛圓形楚材與念喚醒當年。疊見滿枝

梅子料今生無分共坡仙。贏得鮫綃帕上啼痕萬萬。
千千二月二十九日。女密令乳母來觀。三月一日再。
賦前腔云。望垂楊裊翠簾。試捲小紅樓。想鸞珮敲瓊。
鸞妝沁粉。越樣風流。吟懷自憐豪健。灑雲箋。醉裏度。
春愁。有唱還應有和。纖纖玉映銀鈎。屏心一點暗相。
投好事。莫悠悠。便有約尋芳。蜂媒纔到。蝶使重游。梅。
花故園憔悴。揖東風。讓與古梢頭。況是梅花無語。杏。
花好好相留。女氏再和云。看紅箋寫恨人。醉倚夕陽。
樓。故里梅花。纔傳春信。先認儒流。此生料應緣淺。綺。

窗下雨怨雲愁。如今杏花嬌豔，珠簾懶上銀鈎。絲羅
喬樹欲依投。此景好悠悠。恐鶯老花殘，翠媽紅減，辜
負春遊。蜂媒問人情思，總無言應，只低頭夢斷東風
路。遠柔情猶爲遲留。余觀所和兩詞，其才情標致，世
間豈易得哉。此余所不能忘也。再賦詩三首云。銀箋
寫恨奈情何。料得情深歛翠蛾。須信梅花貪結子。東
風着意杏花多。翠袖籠香倚画樓。柔情猶爲我遲留。
何時共箇鴛鴦字。吟到東風泪欲流。兩才相遇古來
難。重寫芳情仔細看。莫待後時空自悔。不如趁早舞

雙鸞吳氏和云、慈親未識意如何、不肯令君画翠蛾
自是杏花開較晚、梅花占得舊時多、殘紅片片入書
樓、獨倚危闌覺久留、可惜才高招不得、紅絲雙繫別
風流、今生緣分料應難接得、新詩不忍看、謾說胸襟
有才思、却無韓壽與紅鸞、語尾又繫以數語云、屢蒙
佳什、珍藏筒篋、福淺緣慳、不成好事、母命伯言不期
違背、一片真情、番成虛意、勤讀詩書、干圖名利、故里
梅花依然、夫婿數語贈君、盈盈垂淚、余復爲僂語以
寄遺恨、因達于女氏云、切以詩書相過、罕見於夫婦

之間詞翰先投乃求於聲氣之表字含玉潤情染蘭
香悵故里之梅花纔傳春信比芳園之杏蕊無奈風
傳復令乳母來觀預遣女媒通好謂先君已定猶遺
在耳之言矧才子如斯不忝齊眉之願倘得百年而
諧老雖居二室而不辭妙語難忘芳心可掬旣窈窕
之慨然許鄭何聖善之必欲從周事旣相違分亦何
淺幕底阻牽於紅線石上空磨於玉簪誰令慵暴之
男強投鴈幣痛失文章之壻怒擲蟬冠脉脉春愁盈
盈妝汨念欲挾文君而夜遁終不忍爲竟辜牡牧之

春游寶成深恨猶勸詩書之勤讀極知思愛之愈深
嗟伉儷之無緣徒唱酬之相與此日落花愁裏去遙
想芳塵它時折桂月中歸必貽後悔茲憑四六用表
再三願深思賢父之言庶免抱終身之歎難期面敘
幸冀心融又續以詩云。画梁雙燕舞嬌塵只見新詩
不見人夜夜相思飛蝶夢東風着意杏花春風流才
思故難全若使相逢不偶然有約緣楊門外過珠簾
半捲露嬋娟吳氏答云兩才相遇方圓結于紅絲一
語敗盟又空成於畫餅詩詞寄恨蜂蝶傳情先人之

遺訓昭昭曾已告約慈母之嚴命切切不避嬌羞齊
眉之好已伏衆口之辭不息龜占來吉雁幣輒修勞
勢枕上夜夜相思蝴蝶夢中時時歡會深沉院宇無
路可求寂寞簾櫳有緣終遇雖後死幼玉也華柳氏
奈今生文君未識相如勒此巾耐伏祈在念併和前
詩二首云才高豈有困泥塵雁塔名香第一人却笑
此生緣分淺可憐辜負兩青春、琴棋書畫藝皆全、一
段風流出自然院宇深沉簾不捲想君難得見嫋娟
昔日吳氏又寄繡領呈上甚精工云此是十年工夫

所繡者、若此余復作詩云、領中垂綉蹙雙鸞、幼小工
夫此最難、久上羅襦香欲褪、多情拆寄鄭郎看、落花
時序易消魂、忍看雲箋沁粉痕、近日懨懨香玉瘦、可
憐和泪倚重門、綉線慵拈夢怎醒、風流誰画柳眉青、
琵琶聲裏昭君怨、莫向它時不忍聽、嫩綠嬌依道韞
家、東風何事苦摧它、流鶯欲住頻回首、盡日愁腸惱
落花、吳氏答書云、某早忽洪姊至、欲遣一書、奈家冗
人事多、竟弗克、午間再辱雲翰披味、恍如會晤之爲
快、中間此事、苦爲母氏所阻、奴佯痴佯狂、此數日周

予稍緩其事，但兩受凌辱，被打氣憤成疾，不離枕席，亦是因君耳。恐天不假之以壽，萬一抱恨而歸，亦爲君耳。如天從人願，姻緣有在，此事尚可成就。中間多感十一安人恩意，如三五日病却，至洪府相謝，亦可一見興言至此，悲涕漣漣。先生千金之軀，不可因賤妾而成疾，但以堅心爲念。好事亦不在念，惟衷腸非筆可盡切。祈尊照。又詩二絕云：淚珠滴滴濕香羅，病裏芳肌瘦減多。怪得夜來春夢淺，不知今日定如何。青衣扶起鬢雲偏，病裏情懷最可憐。已自慙慙無氣

力強擡纖手寫雲箋吳氏臨終答書云哀哉古人云
春蠶到繭絲方盡蠟燭成灰淚始乾誠哉是言也一
自女媒通好之後妬情之輩登奴門者多其說不一
有云先生貧者有云子多者有云妻妬行者奴聞之
若風過耳但以真心而待況兼母與伯以奴之身色
才藝俱全豈可以爲人次妻而周合挾財以媚母氏
遂以一紅一書爲定奴乃泣淚不從兩被凌辱以至
成疾而相思之情又何可勝言念欲竊香相隨奈千
方百計不可而此病未愈昨日兩辱佳音且喜且泣

母氏而今以作噬臍之悔、有通容處、但奴泥飛不定、
神亂不常、雖師巫醫卜、無所不至、而病略不減、先生
自宜將息、不可因賤妾而失寐忘食、以郎之才、不慮
無好色之妻、以奴之命、又恐不見有木之郎、若此生
不救、抱恨於地下、料郎之情、豈能忘乎、然妾之死、無
身後之累、郎若成疾、則故里梅花、青青梅子、將靠之
誰乎、倘得病安、相配有日、臨終哽咽、不知所言、揆億
拜上、吳氏既終、余以文寄祭云、嗚呼、崑山玉樹、閭苑
瓊葩、豈人間之凡植、愛獨冠于仙花、儲芳而豔、吐日

春華祥雲爲蓋。皓月爲家。俄驚驂於怪雨。瘞遺絲於
塵沙。啼玉鸞而自惜。愁翠鳳而空嗟。嗚呼哀哉。玉容
如在。瑤珮何之。生也何待。死也何爲。染夫容以爲色。
組錦繡以爲詩。琴調綠綺。兮冰雪爲絲。畫鉛粉澤。兮
烟霞爲姿。牙籤縹帙。兮融融與旨。楸枰玉子。兮了了
玄機。閨房之秀。誰其似之。謝庭柳絮。詎足方斯。余也
昔年冉冉。負志奇奇。投鯨牙兮學海之驚濤。透翠衣
兮詞苑之葳蕤。鷓鴣風孤退。鵬雲自垂。楚山古木。湘水
蕪祠。泣娥英兮愁牽翠衣。弔靈均兮空把瓊芝。抱懷

英之未擢忽窈窕之相知始之以女媒而通好申之
以乳母而傳書是耶非耶物理茫茫色可得而有今
才孰儷而孤芳不可得而見兮心殷殷而愈彰迨夫
母夢之初覺余亦攬涕而成章興言路阻莫奠壺觴
千古萬古遺恨空傷又悼亡吟二首云詩寫青箋幾
往來佳人何自苦憐才傷心春與花俱盡啼殺流鶯
喚不回相見愁無奈相思自有緣死生俱夢耳來往
只詩篇玉珮驚沉水瑤琴愴斷絃傷心數行淚盡日
落花前余召箕仙衆留得一詞云綠慘雙鸞香鳧猶

自多迷戀芳心密語在身邊如見詩人面又是柔腸
未斷奈天不從人願瓊銷玉減夢覓空有幾多愁怨
四月朔余再調木蘭花慢云任東風老去吹不斷淚
盈盈記春淺春深春寒春暖春雨春晴都來殺詩人
興更落花無定挽春晴芳艸猶迷舞蝶綠楊空聒流
鶯玄霜着意擣初成回首失雲英但如醉如疾如狂
如舞如夢如驚香覓至今迷戀問真仙消息最分明
後夜相逢何處清風明月蓬瀛是日再召箕仙一童
童降筆詞云今日瑤池大會羣仙不肯來臨真草傳

語鄭郎君記得相嘲妬行、好箇木蘭花慢、休提相幫、分明君還要問那喬那玉、在仙宮聽命、吳氏之母、痛憶之甚、亦死一子、年長不慧、移居鄉村、此真可惜哉、余又作哀文云、嗚呼、茫茫九泉、愛莫起之、靈之容、忽其遠矣、中心藏之、何日忘之、靈之心、其可忘乎、蜉蝣在室、螭蛸在戶、靈之家、蕩然矣、天長地久、恨無絕期、靈之恨、其可絕乎、使靈之至此者、誰之咎、與、母氏之無明見、伯氏之無理言也、當是時、二老果無奈之意、姑舒徐數日、而異圖擇壻、誰得而問之、矧先君之治

命若見之昭昭者乎。龜占未吉，雁幣輒修，其靈之死，
在此而不在彼也。靈之容固不可得而見之矣。靈之
恨靈之心，與余相悲映者，果無幽明之隔也。邪。余嘗
過靈之家，但見門掩夕暉，今草沿堦而春色憐人，疑
爲我之來兮。空彷彿乎靈之魂，獨在也。吾謂靈飄霞
珮於太清兮，擬羣仙于瑤池，逶迤而不忍去兮，欲與
余而追隨。余固知靈之同心兮，雖同往而何辭。忽返
睨乎故鄉兮，念衆雛之無依。靈書勉余以自愛兮，何
旣歿而忽遺。翳母氏之念而歿兮，諒雖悔而曷追。余

於義未可以死、今則亦付修短之有期、嗚呼疇昔之
夜、忽有推余髻而泣者、非霧也耶、恍一夢之驚覺、空
伏枕而漣漪、恰余懷之鬱結、重抑憤之哀詞、毋知天
知、有知、無知、吾獨自知、爾嗚呼哀哉、友人某閱此女
詞情、事亦可傷、作詩悼之、云、結髮因緣豈偶然、如何
弄澗更登仙、可憐一點真才思、孤負韶華二十年、磊
落襟懷亞淑真、琴棋書畫更超倫、恨我周鄭番成怨、
底不當初早嫁人、女子文章天下少、男兒才學豈應
無、滿懷空有詩書料、負箇卿卿旦夕呼、不見佳人亦

可傷念他非命爲才郎、杏花夢斷東風曉、空把新詩
寫數行、黃子侑敏讀之有感云、春樓珠箔捲東風幾
度偷彈淚粉紅、艷質豈期黃壤隔、香魂應逐紫雲空。
解將遺事留身後、忘盡前言在耳中。杏蕊梅花俱一
夢。悠悠深恨鎖幽宮。